


Ministère de l'Agriculture, de la Viticulture et du Développement rural, 8
Référence: 376/2019
07 JUIN 2019
A traiter par:
Copie à:



Här Fernand Etgen
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, de 5. Juni 2019

Här President,

sou wéi d'Chambersreglement et virgesäit, bieden ech Iech, dës parlamentaresch Fro un d'Madame Ëmweltminister, den Här Landwirtschaftsminister an den Här Energieminister weiderzeleeden.

Am Kader vum Internationalen Dag vun der Biodiversitéit vum 22. Mee huet de Weltbiodiversitéitsconseil op déi rezent alarmant Chiffere verwisen, no deenen duerch den Agrëff vum Mënsch antëscht iwwer 25% vun den Déieren- a Planzenzorten, déi ënnersicht goufen, menacéiert sinn. Responsabel wier deemno dat massiivt Agräife vum Mënsch.

An enger Mediecampagne hunn direkt e puer Naturschutzorganisationen am Kader vun enger Doudesannonce op d'Verschwanne vum Brongbrëschtchen hei zu Lëtzebuerg higewisen. Speziell bei de Vullenaarte wieren d'Zuelen deemno réckleefeg zu Lëtzebuerg.

Natur an Ëmwelt hat rezent an engem Schreiwes gefrot, ob d'Wandkraaft op Käschte vun der Natur géif goen, nodeems dacks Kadavere vu Routmilanen bei deem zanter 2015 nei installéierte Wandpark zu Weiler fonnt goufen. Et ass gewosst, datt déi Kadavere um Buedem relativ schnell vu aneren Déieren, wéi dem Fuuss, gefriess ginn, esou dat unzehuelen ass, datt d'Donkelziffer vill méi héich wäert leien. Laut diversen Ënnersichunge wär et net méiglech, Wandenergieanlagen besonnesch a bedeitende Vullenschutzgebidder ze installéieren, ouni datt substantielle Schued optrëtt.

Den Ëmweltministère huet direkt reagiert an op déi streng Oplagen higewisen, wat d'Ofschalte bei Méiaarbechten ugeet, Fuerschungsprojeten oder d'Ewechlackele vun de Vullen. D'Realitéit ass leider eng aner: D'Oplage si quasi net ze kontrolléieren an weise bal keng Wierkung, wéi den alarmanten Appell vun *Natur an Ëmwelt* weist.

An deem Kontext wéilt ech folgend Froen un d'Madame Ëmweltminister, den Här Landwirtschaftsminister an den Här Energieminister stellen:

1. Kann d'Regierung dës Informatiounen vun Natur an Ëmwelt confirméieren?
2. Wéi positionéiert sech d'Regierung am Hiebléck op d'Fuerderung vun *Natur an Ëmwelt* a vili weideren Akteuren aus dem Naturschutzberäich, datt Wandenergieanlagen net an der Géigend vun Ëmweltkritesche Plazen, wou de Routmilan, den Uhu, de Storch an d' Flantermäus hiert doheem hunn, däerfen erricht ginn ?
3. Wéi positionéiert sech d'Regierung am Hiebléck op den offensichtleche Fait, datt déi ernimmte steng Oplaage quasi keng Wierkung hunn a vill Vullenaarte weiderhin a Gefor sinn ?
4. Ass d'Regierung der Meenung, datt si hirer Responsabilitéit am Kader vun deem alarmante Bericht vum Weltbiodiversitéitsrot nokännt?
5. Wéi eng Léieren zitt d'Regierung aus deem alarmante Constat vun deenen am Naturschutz aktiven Akteuren, speziell am Hiebléck op déi welder geplangte Wandmilleprojeten, wéi z.B. dem geplangte Projet zu Deifferdäng, dee jo direkt nieft engem bedeitende Vullenschutzgebitt mat enger nogewisener Präsenz vum Routmilan, vum Uhu, vun der Flantermäus a villen aneren Aarten, déi geschützt musse ginn ?

Mat déiwem Réspekt,



Fernand Kartheiser
Deputéierten



CHAMBRE DES DÉPUTÉS
GRAND-DUCHÉ DE LUXEMBOURG

Dossier suivi par Christian Aff
Service des séances plénières et
secrétariat général
Tél. 466 966 223
Fax 466 966 210
e-mail : calff@chd.lu

Monsieur Marc Hansen
Ministre aux Relations avec le Parlement
Luxembourg

Luxembourg, le 05 juin 2019

**Objet : Question parlementaire n° 758 du 05.06.2019 de Monsieur le Député Fernand
Kartheiser - Protection des oiseaux**

Monsieur le Ministre,

J'ai l'honneur de vous communiquer par la présente la question parlementaire sous objet.

**Je vous prie de bien vouloir me faire parvenir la réponse du Gouvernement dans le délai d'un
mois afin que je puisse la faire publier avec la question au compte rendu.**

Veillez agréer, Monsieur le Ministre, l'expression de mes sentiments les plus distingués.

Fernand Etgen
Président de la Chambre des Députés



LE GOUVERNEMENT
DU GRAND-DUCHÉ DE LUXEMBOURG
Ministère de l'Environnement, du Climat
et du Développement durable

Luxembourg, le - 9 JUIL. 2019

Service central de législation
Monsieur Marc Hansen
Ministre aux Relations avec le Parlement

Objet : Question parlementaire 758

Monsieur le Ministre,

J'ai l'honneur de vous communiquer en annexe la réponse à la question parlementaire n°758 tout en vous priant de bien vouloir en assurer la transmission à Monsieur le Président de la Chambre des Députés.

Recevez, Monsieur le Ministre, l'expression de mes sentiments distingués.

La Ministre de l'Environnement, du Climat
et du Développement durable,

Carole Dieschbourg



Réponse de la Ministre de l'Environnement, du Climat et du Développement durable, du Ministre de l'Agriculture, de la Viticulture et du Développement rural et du Ministre de l'Energie à la question parlementaire n°758 du 5 juin 2019 des l'honorable député Monsieur Fernand Kartheiser

1. Kann d'Regierung des Informatiounen vun Natur an Ëmwelt confirméieren?

D'Ausso, datt oft Kadavere vu Routmilanen ënnert Wandrieder vum Wandpark Weiler fonnt géife ginn, kann d'Regierung net confirméieren.

Der Regierung ass ee konkrete Fall vun engem Routmilan bekannt, deen dëst Joer direkt ënnert engem Wandrad vum Wandpark Weiler fonnt gouf.

2. Wéi positionéiert sech d'Regierung am Hibleck op d'Fuerderung vun Natur an Ëmwelt a ville weideren Akteuren aus dem Naturschutzberaich, datt Wandenergieanlagen net an der Géigend vun ëmweltkritesche Plazen, wou de Routmilan, den Uhu, de Storch an d'Flantermaus hiert doheem hunn, daerfen erriicht ginn ?

Am Virfeld vun all Projet vum Bau vu Wandrieder, ginn exhaustiv Feldstudien verlaangt an och bestoend Daten vu sensibelen Aarten op Wandrieder fléissen hei mat an. Baséierend op dese Studien an Daten ginn, jee no Aschätzung vun den Experten Wandrieder refuséiert oder mat verschiddene Konditiounen erlaabt, déi scho méi oft a verschiddenen Äntwerten zu parlamentareschen Ufroen beschriwwe gi sinn.

3. Wéi positionéiert sech d'Regierung am Hibleck op den offensichtliche Fait, datt déi ernimmte streng Oplage quasi keng Wierkung hunn a vill Vullenaarte weiderhin a Geforsinn ?

D'Regierung deelt net d'Meenung, datt di streng Oplagen quasi keng Wierkung hätten. Au contraire ass d'Regierung der Meenung datt mat deene strengen Oplagen d'Impakter op d'Biodiversitéit verhënnert ginn an zäitgläich awer och de Klimaschutzziler Rechnung gedroë gëtt. Duerch streng Oplagen ass et méiglech den Impakt ze minimiséieren.

4. Ass d'Regierung der Meenung, datt si hirer Responsabilitéit am Kader vun deem alarmante Bericht vum Weltbiodiversitéitsrot nokënnt?

D'Regierung ass sech der alarmanter Situatioun vun der Biodiversitéit bewosst. Jo, mir sinn an enger Biodiversitéitskris. Och d'Resultater vun de nationale Monitoring-Programmer confirméieren den negativen Trend.

Déi lescht Joren ass viles am Beraich Natur- a generell Ëmweltschutz gemaach ginn. Do wou konsequent am Naturschutz geschafft gouf a gëtt, loosse sech och Resultater weisen. D'Regierung ass der Meenung mat engem neien Naturschutzgesetz, engem neien Naturschutzplang a villen Naturschutzprojeten viles a Bewegung gesat ze hunn.

5. Wéi eng Léieren zitt d'Regierung aus deem alarmante Constat vun deenen am Naturschutz aktiven Akteuren, speziell am Hibleck op déi weider geplangte Wandmilleprojeten, wéi z.B, dem geplangte Projet zu Deifferdeng, dee jo direkt nieft engem bedeutende Vullenschutzgebitt mat enger nogewisener Präsenz vum Routmilan, vum Uhu, vun der Flantermaus a villen aneren Aarten, déi geschützt mussen ginn ?

D'Regierung wäert weiderhin Akzenter an de Beraicher Natur- mee och Klimaschutz setzen. Et gëllt béides ze erfëllen. Dofir wäert bei Wandrieder weiderhinn op méiglech Impakter op Natur a Mënsch opgepasst ginn; dëst am Kader vun den Ëmweltstudien an duerno mat den néidege strengen Oplage beim Bau vun engem oder méi Wandrieder.